

## სახელმწიფო შესყიდვის შესახებ ხელშეკრულება №25

თბილისი

2019 წელი

- შესყიდვის საშუალება: გამარტივებული შესყიდვა.
- გამარტივებული შესყიდვის საშუალების სამართლებრივი საფუძველი: „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს<sup>1</sup>“ ქვეპუნქტი.
- შესყიდვის ობიექტის CPV კოდი: იხ. დანართი N1.

ერთი მხრივ ა(ა)იპ „ოუფენ ნეტი“ (ს/კ: 404497790; მის: თბილისი, რ. თაბუკაშვილის ქ. №5, საბანკო რეკვიზიტები: სახელმწიფო ხაზინა, TRESGE22, ა/ა: GE24NB0330100200165022, office@opennet.ge), შემდგომში — შემსყიდველი, წარმოდგენილი მისი დირექტორის ნინო ქუბინიძის სახით და

მეორე მხრივ შპს „კომპანია Geosm“ (საიდენტიფიკაციო კოდი: 404873614; მის: მ.ასათიანის N14, საბანკო რეკვიზიტები: სს „პროგრედიტ ბანკი“, MIBGGE22, ა/ა: GE45PC0223600100010827, ტელ: 2729119), შემდგომში — მიმწოდებელი, წარმოდგენილი მისი დირექტორის თეიმურაზ ახოზაძის სახით, შემდგომში — „მხარეები“, ვთანხმდებით შემდეგზე:

### **მუხლი 1. ხელშეკრულებაში გამოყენებულ ტერმინთა განმარტებები**

ამ ხელშეკრულებაში გამოყენებულ შემდეგ ტერმინებს, ამავე ხელშეკრულების მიზნებისათვის აქვს შემდეგი მნიშვნელობა:

- 1.ა) ხელშეკრულების ღირებულება — საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.ბ) დღე, კვირა, თვე — შესაბამისად კალენდარული დღე, კვირა, თვე (თუ შესაბამის ტექსტში სხვაგვარად არ არის დაკონკრეტებული);
- 1.გ) საქონელი — ხელშეკრულების მე-2 მუხლით გათვალისწინებული შესყიდვის ობიექტი;

### **მუხლი 2. ხელშეკრულების საგანი**

ამ ხელშეკრულების საგანია სხვადასხვა სახის საკანცელარიო და სამეურნეო საქონლის შესყიდვა დანართი N1-სა და ამავე ხელშეკრულების პირობების შესაბამისად.

### **მუხლი 3. ხელშეკრულების ღირებულება**

3.1. ხელშეკრულების ჯამური ღირებულება შეადგენს **214.00 (ორასათოთხმეტი ლარი და 00 თეთრი)** ლარს, ერთეულის ღირებულებები მითითებულია დანართი #1-ში.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

### **მუხლი 4. ანგარიშსწორების ფორმა და ვადები**

4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

4.2. შემსყიდველი ხელშეკრულებით განსაზღვრული თანხის გადახდას განახორციელებს საკუთარი სახსრებით.

4.3. ანგარიშსწორება შემსყიდველის მიერ მოხდება ფაქტობრივად მიწოდებული საქონლის შესაბამისად მიღება-ჩაბარების აქტის გაფორმებისა და შესაბამისი დოკუმენტაციის (საგადასახადო ანგარიშფაქტურა ან/და სასაქონლო ზედნადები) წარმოდგენის შემდეგ, 10 სამუშაო დღის ვადაში, თანხის მიმწოდებლის საბანკო ანგარიშზე ჩარიცხვის გზით. მიმწოდებლის საბანკო ანგარიშის რეკვიზიტები მითითებულია ამ ხელშეკრულებაში.

4.4. წინასწარი ანგარისშწორება არ გამოიყენება.

#### **მუხლი 5. მიღება-ჩაბარების წესი**

5.1. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

5.2. შემსყიდველის მხრიდან მიღება-ჩაბარების აქტზე ხელმოწერი პირია ა(ა)იპ „ოუფენ ნეტის“ შესყიდვების მენეჯერი გაბრიელ ნაკაიძე ან/და შესყიდვების მენეჯერი ნინო ჩიხლაძე.

#### **მუხლი 6. საქონლის მიწოდების ადგილი და ვადები**

6.1. საქონლის მიწოდება უნდა განხორციელდეს შემდეგ მისამართზე: ქ. თბილისი, თაბუკაშვილის N5.

6.2. მიმწოდებელი ვალდებულია შემსყიდველს მე-2 მუხლით გათვალისწინებული საქონელი მიაწოდოს ხელშეკრულების გაფორმებიდან არაუგვიანეს 3 სამუშაო დღეში.

#### **მუხლი 7. მხარეთა უფლება-მოვალეობანი**

7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

##### **7.2. შემსყიდველი ვალდებულია:**

ა) ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მიწოდებული საქონლის ღირებულება;

ბ) შეასრულოს ამ ხელშეკრულებითა და საქართველოს კანონმდებლობით გათვალისწინებული სხვა ვალდებულებები.

##### **7.3. შემსყიდველს უფლება აქვს:**

7.3. ა) შესყიდვის ობიექტის მიწოდების დასრულებამდე ნებისმიერ დროს მოითხოვოს მიმწოდებლისაგან მისთვის საჭირო ინფორმაცია;

7.3. ბ) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

7.3. გ) შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან;

7.3. დ) ისარგებლოს ამ ხელშეკრულებითა და საქართველოს კანონმდებლობით გათვალისწინებული სხვა უფლებებით.

##### **7.4. მიმწოდებელი ვალდებულია:**

7.4.ა) დაიცვას ხელშეკრულებით გათვალისწინებული ყველა პირობა;

7.4.ბ) დროულად, ჯეროვნად, ხარისხიანად, მაღალკვალიფიციურად და სრულად შეასრულოს ხელშეკრულებით ნაკისრი ვალდებულებები;

7.4.გ) მიაწოდოს შემსყიდველს ნივთობრივად და უფლებრივად უნაკლო შესყიდვის ობიექტი;

7.4.დ) უხარისხო / ნაკლის მქონე საქონლის მიწოდების შემთხვევაში, დაუყოვნებლივ ან/და შემსყიდველის მიერ დადგენილ ვადაში აღმოფხვრას შესაბამისი ხარვეზი/ნაკლი (თუკი ეს შესაძლებელია) ანდა უზრუნველყოს საქონლის ახლით ჩანაცვლება, შემსყიდველის მიერ მითითებული პირობებით;

7.4.ე) შეასრულოს ამ ხელშეკრულებითა და საქართველოს კანონმდებლობით გათვალისწინებული სხვა ვალდებულებები.

##### **7.5. მიმწოდებელს უფლება აქვს:**

7.5. ა) მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად;

7.5. ბ) ისარგებლოს ამ ხელშეკრულებითა და საქართველოს კანონმდებლობით გათვალისწინებული სხვა უფლებებით.

7.6. ამ მუხლით გათვალისწინებული ერთი მხარის ვალდებულება წარმოშობს მეორე მხარის შესაბამის უფლებას, ერთი მხარის უფლება კი — მეორე მხარის შესაბამის ვალდებულებას.

#### **მუხლი 8. გარანტია**

8.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მოთხოვნებს.

### **მუხლი 9. დავები და მათი გადაწყვეტის წესი**

9.1. მხარეთა შორის წამოჭრილი ყველა დავა გადაიჭრება ურთიერთშეთანხმების გზით.

9.2. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

### **მუხლი 10. ხელშეკრულებით ნაკისრი ვალდებულებების შესრულების ინსპექტირება**

10.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მიწოდებული საქონლის ხარისხის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

10.2. ხელშეკრულების 10.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს შემსყიდველის ა(ა)იპ „ოუფენ ნეტსა“ შესყიდვები მენეჯერი გაბრიელ ნაკაიძე.

10.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

### **მუხლი 11. პასუხისმგებლობა ხელშეკრულების პირობების შეუსრულებლობისათვის**

11.1. ხელშეკრულების მე-6 მუხლით გათვალისწინებული ვადის გადაცდენის შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.05%-ის ოდენობით.

11.2. იმ შემთხვევაში თუ, პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, შემსყიდველი უფლება აქვს შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისთვის გადასახდელი პირგასამტეხლოს ანაზღაურება; აგრეთვე არ აუნაზღაუროს მიმწოდებელს შეუსრულებელი ვალდებულების ღირებულება და მოითხოვოს დამატებით პირგასამტეხლო, ხელშეკრულების ღირებულების 10%-ის ოდენობით.

11.3. მიმწოდებელი ვალდებულია დაფაროს პირგასამტეხლო შემსყიდველის წერილობითი მოთხოვნიდან არაუგვიანეს 10 (ათი) დღის ვადაში.

11.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11.5. მხარეები ერთმანეთის წინაშე პასუხს აგებენ ამ ხელშეკრულების შეუსრულებლობის ან არასათანადო შესრულების შედეგად ერთმანეთისადმი მიყენებული ზიანის გამო.

### **მუხლი 12. ფორს-მაჟორი**

12.1. ხელშეკრულებიდან გამომდინარე ვალდებულებების ან რომელიმე მათგანის მთლიანად ან ნაწილობრივ შეუსრულებლობა ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის ფორს-მაჟორად ითვლება ისეთი ომი, სამხედრო მოქმედებები, მასობრივი არეულობა, ეპიდემია, სტიქიური მოვლენები და სხვა, რომელიც აკმაყოფილებს ყველა შემდეგ კრიტერიუმს:

12.2. ა) არის მხარეთათვის გადაულახავი და მათი კონტროლისაგან დამოუკიდებელი გარემოება;

12.2. ბ) არაა დაკავშირებული მხარეთა შეცდომებსა და დაუდევრობასთან;

12.2. გ) არ ექვემდებარება მხარეთა კონტროლს;

12.2. დ) მისი თავიდან აცილება ან მისთვის წინააღმდეგობის გაწევა სცილდება მხარეთა შესაძლებლობებს;

12.2. ე) გააჩნია წინასწარ გაუთვალისწინებელი ხასიათი.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზღავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12.4. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ ცალმხრივად შეწყვიტონ ხელშეკრულების მოქმედება.

### **მუხლი 13. ხელშეკრულების შესრულების შეფერხება**

13.1. თუ ხელშეკრულების შესრულების პროცესში მხარეებს წარმოეშვებათ რაიმე ხელისშემშლელი გარემოებები, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა

გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

#### **მუხლი 14. ხელშეკრულებაში ცვლილების შეტანა და ხელშეკრულების შეწყვეტა**

14.1. ხელშეკრულებაში ნებისმიერი ცვლილების და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

14.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

14.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

14.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:

14.4. ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია საქონლის მოწოდება;

14.4. ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

14.4. გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

14.4. დ) მიმწოდებლის გაკოტრების შემთხვევაში;

14.4. ე) საქართველოს კანონმდებლობით გათვალისწინებულ სხვა შემთხვევებში.

14.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

14.6. მხარე ვალდებულია 14.4. და 14.5 პუნქტებით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით შეატყობინოს მეორე მხარეს.

14.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14.8. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

#### **მუხლი 15. ხელშეკრულების მოქმედების ვადა**

ხელშეკრულება ძალაში შედის მხარეთა მიერ მისი ხელმოწერის მომენტიდან და მოქმედებს 2019 წლის 31 დეკემბრის ჩათვლით.

#### **მუხლი 16. სხვა პირობები**

16.1. ეს ხელშეკრულება შედგენილია ქართულ ენაზე.

16.2. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

16.3. ამ ხელშეკრულების რომელიმე ნორმის/დებულების ბათილობა/ძალადაკარგულობა არ იწვევს სხვა ნორმების ბათილობას/ძალადაკარგულობას.

16.4. ამ ხელშეკრულებით პირდაპირ გაუთვალისწინებელი საკითხები რეგულირდება საქართველოს სამოქალაქო კოდექსითა და სხვა მოქმედი კანონმდებლობით, მათ შორის „სახელმწიფო შესყიდვების შესახებ“ საქართველოს კანონით. იმ შემთხვევაში, თუ წინამდებარე ხელშეკრულების რომელიმე დებულება ეწინააღმდეგება „სახელმწიფო შესყიდვების შესახებ“ საქართველოს კანონის ან/და მის საფუძველზე გამოცემული ნორმატიული ან/და ადმინისტრაციული აქტის მოთხოვნებს, მოქმედებს კანონი, შესაბამისი ნორმატიული ან/და ადმინისტრაციული აქტი.

**მხარეთა ხელმოწერები:**

**შემსყიდველი**

**მიმწოდებელი**

.....

.....

*ნინო ქუბინიძე*  
დირექტორი

*თეიმურაზ ახოზაძე*  
დირექტორი

დანართი #1

#	cpv	დასახელება	რაოდენობა	განზ. ერთ.	ერთეულის ფასი	საერთო ფასი	
1	30190000	კონვერტი A5	50	ცალი	0,10	5,00	
2	30190000	კონვერტი დიპლომატი	50	ცალი	0,08	4,00	
3	30190000	CD კონვერტი ქაღალდის	30	ცალი	0,07	2,10	
4	30190000	CD კონვერტი პლასტიკის (ნაჭრის 100 ც)	1	შეკვრა	7,06	7,06	
5	30234300	CD 50 ცალი	1	შეკვრა	25,18	25,18	
6	30192125	CD მარკერი ლურჯი	3	ცალი	0,71	2,13	
7	30199720	ჩასანიშნი ფურცლები	10	შეკვრა	2,88	28,80	
8	30190000	მშრალი წებო	5	ცალი	0,95	4,75	
9	30190000	ასაკინდი ზამბარა პატარა 10mm	10	ცალი	0,11	1,10	
10	30190000	ასაკინდი ზამბარა საშუალო 14mm	40	ცალი	0,18	7,20	
11	30190000	ასაკინდი ზამბარა დიდი 18 mm	10	ცალი	0,21	2,10	
12	30190000	ასაკინდი ყდა მუყაო	1	შეკვრა	9,98	9,98	
13	31400000	ელემენტები (AA, შეკვრაში 4 ცალი )	5	შეკვრა	9,00	45,00	
14	39525600	ჭურჭლის სარეცხი ღრუბელი	10	ცალი	0,38	3,80	
15	39525800	მაგილის ტილო	20	ცალი	0,50	10,00	
16	39525800	ტილო მიკროფიბრა დიდი	3	ცალი	1,60	4,80	
17	39833000	ავეჯის საწმენდი აეროზოლი Pronto	5	ცალი	10,20	51,00	
		ჯამი დღგ-ს ჩათვლით:					214,00


ინტერესთა კონფლიქტის არ არსებობა

„გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-8 მუხლის შესაბამისად ვადასტურებთ, **2019 წლის №25 ხელშეკრულების გაფორმების პროცესში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და მომწოდებელთან შპს კომპანია Geosm) ინტერესთა კონფლიქტში არ ვიმყოფებით, რასაც ვადასტურებთ ხელმოწერებით:**

ა(ა)იპ ოუფენ ნეტის დირექტორი

ნინო ქუბინიძე

ა(ა)იპ ოუფენ ნეტის შესყიდვების მენეჯერ(ებ)ი



გაბრიელ ნაკაიძე



ნინო ჩიხლაძე

სახელმწიფო შესყიდვის შესახებ 2019 წლის №25 ხელშეკრულების ვიზირება

ა(ა)იპ ოუფენ ნეტის - იურისტ(ებ)ი



ა(ა)იპ ოუფენ ნეტის ფინანსური მენეჯერი



ა(ა)იპ ოუფენ ნეტის შესყიდვების მენეჯერ(ებ)ი

